



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Conciliorvm Omnivm Generalivm Et Provincialivm Collectio Regia

Ab anno DLIII. ad annum DLXXVII.

**Parisiis, 1644**

Divisio Oxomensis Et Avcensis episcopatum.

**urn:nbn:de:hbz:466:1-15324**

DIVISIO PROVINCIARVM HISPANIARVM ANNO  
CHRISTI  
569.

*secundum regem Vvambam, facta tempore Quirici primatis & archiepiscopi Toletani. Cum inter prelatos Hispaniarum magna fuisset exorta discordia, eo quod unusquisque inuaderet terminos diocesanos, rex Vvamba Synodum celebrari precepit Toleti, conuocatis & congregatis archiepiscopis & suffraganeis suis. Presentato in medio numero ciuitatum & diocesum, taliter diffinitur ibidem.*

**P**ROVINCIÆ Carthaginensis, vel Carpetaniæ metropolis, regia vrbs Toletum.

Toleto subsunt, Oretum, Beacia, Mentefa, Acci, Astigi, Vrgum, vel Almeria, Bagastri, Illici, Serabia, Denia, Valentia, Valeria, Segobria, Arcabrica, Iplicea, Segontia, Oxoma, Segobia, Palentia.

Tarraconæ subsunt Barcinona, Gerunda, Egara, Empurias, Aufona, Vrgelo, Ilerda, Ictosa, Tortosa, Cæsaraugusta, Osca, Pampilona, Auca, Calagurra, Tyrafona.

Narbonæ subsunt Caucolibium, vel Tolosa, Carcassona, Biterris, Agatha, Luteba, Magalona, Neumafum, Elena, vel Elna.

Spali subsunt Italica, vel Italia, Astigis, Corduba, Egabra, Tucci, Eliberi, vel Eliberis, Asidona, & Malaga.

Emeritæ subsunt Pace, Olisbona, Oxonoba, Egitania, Caliabria, Viseo, Lamego, Cauria, Salmantica, Abela, Elbora.

Bracaræ subsunt Dumium, Festabole, vel Portuale, Tude, Auria, Luco, Astorica, Iria, vel Vria, Ouetum, vel Britonia, exempta a Gallæciæ Bracara.

Acta sunt hæc Toleto in Concilio generali, omnibus vna voce dicentibus; Placet, placet: præsentibus ac subscribentibus inuictò ac ferenissimo rege Vuamba, & Quirico archiepiscopo Toletano, Hispaniarum primate, ceterisque archiepiscopis, cum suis suffraganeis diocesum prædictarum, in ecclesia sanctæ Leocadiæ, æra DCCX. per manum Petri de sancta Leocadia. Vixit autem plus hic rex Vuamba annis quinque, & mortuus est.

*Hæc omnia exscripta sunt ex codice antiquo ecclesiæ Toletana, & ex codice Ouetensi qui dicitur Itacius, & a me, vt potui, melius emendata. Placuit etiam addere aliam diuisionem inter Oxomensis & Aucensem episcopos, in Concilio prouinciali factam, regnante Adefonso sexto, & presidente Ricardo legato sedis apostolica, & Bernardo Toletano: quam ex archiuis ecclesiæ Burgenfis habui.*

DIVISIO OXOMENSIS ET AVCENSIS  
episcopatum.

**A**NNO ab incarnatione Domini millesimo octogesimo octauo, æra MCXXXVI. regnante gloriosissimo Adefonso imperatore in Toleto, Legionè, Gallæcia, Castella, & Nagara, facta est Synodus in ecclesia sanctæ Mariæ de Fusellis, apud castrum Montloy, præsidente domino Ricardo vicario sanctæ Dei Romanæ ecclesiæ,

ANNO  
 CHRISTI  
 569.

clesia, praesente cum eo domino Bernardo archiepiscopo Toletano, & archiepiscopo domino Petro Aquensi, residentibus cunctis episcopis regni ipsius gloriosissimi regis, videlicet Dumienfi episcopo Gundisaluo, Aderico Tudensi episcopo, Arriano Ouetensi episcopo, Osmundo Asturicensi episcopo, Raimundo Palentino episcopo, Petro Legionensi episcopo, nec non electis in ministerium episcopi, Petro in ecclesia beati Iacobi, Martino in ecclesia Coimbriensi, Sigefredo in ecclesia Nagarensi, Petro in ecclesia Oriensi; praesentibus itidem abbatibus, Fortunio in monasterio Exiliensi, Vincentio in monasterio Ansilance, Didaco in monasterio sancti Facundi; electis etiam in abbazia Reginensi, Ioanne in monasterio Oriensi, Petro in coenobio sancti Petri Caradignae; cum consilio & consensu supradicti catholici regis, & episcoporum, abbatum, principum, & procerum ipsius regni, nec non totius Concilii, facta est diuisio inter Oxomensem & Aucensem episcopatum, qui nouiter Burgis translatus est. Et quia Oxomensis episcopatus prius a Saracenis inuasus, quotidie per misericordiam Dei redintegratur, quoniam confinia eorum, & termini incerti habebantur, & quia iugis contentio erat inter Bernardum Toletanum archiepiscopum, ad quem Oxomensis ecclesia metropolitano iure pertinet, & Gomizonem Aucensem, seu Burgensem episcopum, assentiente videlicet vtraque parte visum est, saniori consilio, sic determinare parochias eorum, vt a fine Canatanazor, & de Muriello, & Argança, & castri quod dicitur Messella, & castri quod dicitur Espaga, & a villis quae dicuntur Congosto & Buezo, & sicut aqua ipsa currit & labitur in Arandam, aqua quae discurrit per Cluniam, & pertransit ipsam Cluniam, vsque ad Peñam de Aranda, donec labitur in fluuium Dorium, & omnes villae ex hac parte fluminis Arandae, in quibus currit Sayo de Clunia, nec non trans fluuium Dorium castrum Materiolum, & Vociquellas, & vsque ad ciuitatem Septempublicensem, & quidquid ultra continetur, decerneretur esse Oxomensis ecclesiae: illa vero quae citra sunt terminum praenotatum, versus septentrionalem plagam, Aucensis ecclesia iure perpetuo possideat. Sane si quis archiepiscopus, episcopus, rex, comes, princeps, aut aliqua potestas, seu quaelibet ecclesiastica secularisve persona definitionis huius paginam pertinaci audacia violare, vel in aliquo infirmare tentauerit, reum se de perpetrata iniquitate cognoscat, & a sacratissimo corpore & sanguine Dei & Domini redemptoris nostri Iesu Christi alienus fiat, atque in extremo examine cum sinistris deputatus, districtae ultioni subiaceat.

SVBSCRIPTIONES.

Ego Adefonsus, diuina praordinante gratia, Hispaniarum rex supra notatam diuisionem fieri volui, manuque propria firmaui.

Ego Ricardus sanctae Dei Romanae ecclesiae vicarius huic Concilio praesidens laudo, manuque propria confirmo.

Ego Bernardus Toletanus archiepiscopus, finium Oxomensis ecclesiae  
*Concil. Tom. 12.* M m m m